



UNIVERSITÄTS-  
BIBLIOTHEK  
PADERBORN

**Les Fleurs Des Vies Des Saints Et Des Festes De Toute  
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles  
Borromeo, & de Sainte Françoise ; Avec le Martyrologe Romain, pour  
tous les iours de l'Annee ...

**Ribadeneyra, Pedro de**

**Paris, 1631**

xiii La vie de s. Anaclet Pape & martyr.

---

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)

gerieuses maladies. Il estoit fort benin aux pauvres, & en temps de necessité il donnoit tout ce qu'il auoit pour les secourir, & nostre Seigneur le luy rendoit plus liberalement, & recompensoit le Monastere de ce qu'il y prenoit pour subuenir aux pauvres. Il endura de penibles travaux & persecutions pour la iustice & verité, lesquels il souffrit constamment, & les surmonta avec la grace que Dieu nostre Seigneur luy fit, & quelques miracles qu'il opera en faueur de la verité qu'il defendoit. Estant deuenu fort vieil, il tomba en vne dangereuse maladie, & voyant approcher le iour tant desiré de sortir de la prison de ce corps mortel, pour iouyr de nostre Seigneur, il fit appeler les Abbez des autres Monasteres de son Ordre, & les aduertit qu'il les quitteroit bien tost, exhortant vn chacun à l'obseruation de sa Regle, à l'amour & charité fraternelle. Apres qu'il eut deuotement receu les saints Sacremens de l'Eglise, il rendit l'ame à Dieu le douziesme iour de Iuillet l'an mil soixante & trois. Il fut enterré en l'Eglise du Monastere de Pasinien. Nostre Seigneur fit par luy plusieurs beaux miracles. La vie de saint Iean Galbert a esté escripte par le Pape Blaise Milannois, General de l'Ordre de Valombreuse, qui est rapportée par Surius en son quatriesme Tome. Il est fait mention de luy au Martyrologe Romain, le douziesme de Iuillet, & en Saint Antonin en la seconde Partie de son Histoire, tiltre cinquieme, chapitre dix-septiesme.

*A Milan se fait la feste des saints Nabor & Felix, qui endurent le martyre durant la persecution de Maximian. En l'Isle de Cypre deceda saint Iason disciple de nostre Sauueur. A Aquilee saint Hermagoras disciple de saint Marc l'Euangeliste, & premier Euesque dudit lieu, ayant souffert plusieurs sortes de tourmens au temps mesme qu'il faisoit beaucoup de miracles, vacquoit continuellement à la Predication de l'Euangile, & conuersion des Gentils, fut en fin decapité avec Fortune son Diacre. A Luques saint Paulin consacré premier Euesque dudit lieu par l'Apostre saint Pierre, apres auoir long temps combattu pour la Foy, accomplit son martyre au pied du mont de Pise, avec plusieurs autres ses compagnons, sous l'Empereur Neron. A mesme iour endurent les saints martyrs Procul & Hilaire, sous l'Empereur Trajan, & le President Maxime. En la terre d'Otronte en Italie deceda sainte Epiphane, laquelle eut les mammelles coupees sous l'Empereur Diocletian, & le President Tertulle. A Toleda en Espagne se fait la feste de sainte Marciane vierge & martyre, laquelle fut mise en pieces par la furie d'un taureau. A Boulongne trespassa saint Paternian Euesque & Confesseur. En un Monastere nommé Pasiniano pres Florence, mourut saint Iean Galbert, Abbe, fondateur de l'Ordre du Val d'Ombre. A Lyon saint Vientiole Archeuesque de ladite ville.*

LA VIE DE SAINT ANACLET,  
Pape & Martyr.

13.  
IUIL.  
LET.



Pres le deceds de saint Clement Pape & Martyr, saint Anacle fut mis au Siege Pontifical par vn commun consentement de l'Eglise (il estoit

Grec de nation, natif d'Athenes, & fils d'Antiochus) l'an de nostre Seigneur Iesus Christ cent & trois, sous l'Empire de Trajan, lequel voyant que la Religion Chrestienne s'augmentoit, & le seruite des faux Dieux diminuoit & s'aneantissoit, il suscita la troisieme persecution contre l'Eglise, la pensant exterminer par la mort & les tourmens; neantmoins il luy en cousta la vie, & la semence & doctrine celeste arrousee du sang des Martyrs, florissoit de iour en iour: & tant plus on respandoit de sang, la moisson en estoit d'autant plus fertile. A cause de ceste cruelle persecution, & que les Chrestiens auoient tousiours le cousteau sur la gorge, saint Anacle ordonna que tous ceux qui assisteroient à la Messe y communiasent: il commanda aussi qu'à la consecration d'un Euesque il s'y trouuast au moins trois autres Euesques presens (ainsi que saint Pierre l'auoit appareuuant ordonné) & que les Prestres fussent publiquement receus aux Ordres, afin qu'on recognoisse celuy qui sera admis, pour estre vertueux, & digne d'une si excellente charge. Il escriuit quelques Epistres, en lesquelles il traite de l'authorité du Pape, & que Dieu seul le peut iuger, lequel seul luy baille le pouuoir & autorité par dessus toutes les autres Eglises. Il parle autrement des Eglises Patriarchales, il escriuit beaucoup de louanges du bien-aymé Apostre saint Pierre, il fit bastir & orner vne Chappelle, & autres lieux, pour enterrer les Papes ses successeurs: il tint deux fois les Ordres au mois de Decembre, où il fit six Euesques, cinq Prestres, & trois Diacres: & apres auoir gouverné l'Eglise de nostre Seigneur Iesus-Christ neuf ans trois mois & dix iours, il fut martyrisé en l'an de nostre Seigneur cent douze, & le treiziesme de l'Empire de Trajan. Il fut enterré au Vatican. L'Eglise celebre sa feste le iour de son martyre, qui fut le treiziesme iour de Iuillet. Saint Ignace en vne Epistre qu'il escrit à Marie Calibolite, parle avec honneur de saint Anacle. Faut prendre garde qu'aucuns Auteurs Grecs confondent Anacle avec Clete, & des deux n'en font qu'un, & qu'en la succession des quatre premiers Papes apres saint Pierre, quelques Historiens Ecclesiastiques varient fort; de forte qu'il y en a qui mettent le martyre de saint Anacle du temps de l'Empereur Domitian: neantmoins il faut suivre ce que nous en auons dit pour le plus commun & asseré.

*A Rome se fait la feste de saint Anacle Pape, lequel gouverna l'Eglise apres saint Clement, & l'honneur d'un glorieux martyre. A mesme iour moururent les saints Isai & Esdras Prophetes. En Macedoine deceda saint Silas qui fut vn des premiers disciples de nostre Sauueur, enuoyé par les Apostres aux Eglises des Gentils avec saint Paul & saint Barnabé. Item saint Serapion, lequel fut bruslé sous l'Empereur Seuer, & le President Aquila. En l'Isle de Chio sainte Myrope martyre, fut accrauante à coups de leuiers sous l'Empereur Dece, & le President Numerian. En Afrique saint Eugene Euesque de Carthage, reconnoit*

11. pour sa foy & vertus, avec tout son Clergé, qui montoit au  
 nombre de cinq cens ou danantage, entre lesquels estoient  
 plusieurs ieunes enfans, qui seruoient de lecteurs, fut durant  
 la perfection des Andales sous le Roy Hunneric Arrien,  
 enuoyé en vn cruel exil, apres auoir esté bien battu, & long  
 temps endure la faim avec eux, les plus nobles de la troupe  
 estoient l'Archidiaque nommé Saluairo, & Murita qui te-  
 noit le second rang entre les Ministres de l'Eglise, lesquels  
 eussent fait pour la troisieme fois Confesseurs, emporterent  
 le titre d'vne glorieuse perseuerance, En Bretagne deceda  
 saint Turian Euesque, homme d'admirable simplicité &  
 innocence.

LA VIE DE SAINT BONAVENTURE, Docteur & Confesseur.



14. **B**E tres-sainct Prelat & seraphi-  
 que Docteur de l'Eglise saint  
 Bonauenture, Religieux de  
 l'Ordre saint François, n'asquit  
 l'an de nostre Seigneur Iesus-  
 Christ mille deux cens vingt &  
 vnen vne petite ville de la Prouince de Tosca-  
 ne, nommée en Latin *Balneo Regio*, & en Italien  
*Banquarea*. Son pere se nommoit Iean Fidauze,  
 & sa mere Rifele, gens de qualité & de moyés.  
 En son enfance, il eut vne si forte & dangereu-  
 se maladie, qu'il fut abandonné des Medeci-  
 cins: sa mere eut recours à Dieu, & prit pour  
 intercesseur le glorieux saint François, avec  
 promesse que si son fils reuenoit en santé, elle  
 le solliciteroit de prendre l'habit, & de seruir à  
 nostre Seigneur en l'Ordre des Freres Mineurs.  
 L'enfant reuint en sa santé par les merites &  
 prieres du glorieux saint François, auquel du  
 depuis il eut grande deuotion, & fut de son Or-  
 dre. Estant nourry aux bonnes lettres & sain-  
 ctes meurs, iusques en l'aage de vingt-deux  
 ans, que pour contenter sa mere, & accom-  
 plir le vœu qu'elle auoit fait pour luy, d'ail-  
 leurs, se sentant appellé de Dieu en vn si haut  
 estat, il prit l'habit de l'Ordre du glorieux saint  
 François, avec vne grande ferueur & mespris  
 du monde, & fit profession apres l'an de proba-  
 tion, manifestant à tous les biens faicts qu'il  
 auoit receus par le moyen de saint François,  
 lequel il prioit affectueusement d'interceder  
 pour l'accomplissement des vœux de la Reli-  
 gion: le saint enfant commença incontinent  
 à reluire entre tous les autres Profez, en beau-  
 coup de belles vertus, en oraison continuelle,  
 silence, modestie, affabilité, obediens, hu-  
 manité, en sorte qu'vn chacun iettoit les yeux  
 sur luy: là il s'employoit fort volontiers à bal-  
 lier, fourbir, nettoier, & és autres offices plus  
 abiects de l'Ordre, à seruir & resiouyr les mala-  
 des: ce qu'il faisoit de meilleur courage, tant  
 plus les maladies estoient sales & contagieu-  
 ses. Il faisoit la charité aux Freres qu'il voyoit  
 tristes & desconfortez, les exhortant par dou-  
 ces paroles à la perseuerance, & à porter le ioug  
 leger de nostre Seigneur: ce qu'il pratiqua tou-  
 siours avec vne grande actiueté & vigilance,  
 mesme lors qu'il estoit General, & l'vn des prin-  
 cipaux de l'Ordre. Il s'adonna soigneusement

à l'estude de la Theologie, de sorte que par la  
 subtilité & excellence de son esprit, par son la-  
 beur assidu, & sur tout par son oraison, il reussit  
 vn grãd personnage, & Docteur diuin. Il estudia  
 à Paris sous Alexandre Ales, qui estoit fort esti-  
 mé de son temps, & surnommé le Docteur irre-  
 fragable, lequel considerant la pureté de saint  
 Bonauenture, sa grace, son maintien, le miel de  
 ses paroles, sa conuersation Angelique, quand il  
 parloit de luy, disoit souuentefois: C'est vn vray  
 Israëlite, auquel il semble qu'Adam n'a point  
 peché. Il paruint en peu de temps en vn si émi-  
 nent degré de science, qu'à la septiesme année  
 de sa profession, par vn commun consentement  
 de l'Ordre, on luy bailla la charge de Theolo-  
 gie, & leut le Maistre des Sentences en l'Vni-  
 uersité de Paris, avec vn grand applaudissement  
 & admiration d'vn chacun. Il prit le degré de  
 Docteur le mesme iour que l'Angelique Do-  
 cteur de l'Eglise saint Thomas d'Aquin, avec  
 lequel il contracta vne sainte & estroite ami-  
 tié, & le contraignit par vn humble debat, d'es-  
 tre gradué premier que luy. Ces deux Sainct  
 communiquoient fort familièrement ensam-  
 ble. Vn iour saint Thomas d'Aquin entra dans  
 la celle de saint Bonauenture, & le pria de luy  
 montrer les liures desquels il faisoit sa princi-  
 pale estude. Saint Bonauenture luy en monstra  
 deux ou trois qu'il auoit sur sa table. Saint  
 Thomas luy repliqua qu'il demandoit à voir les  
 autres liures rares, desquels il tiroit de si belles  
 conceptions, des sentences si admirables & pro-  
 fondes. Alors il luy monstra vne image du Cru-  
 cifix qui estoit là deuant, & luy dit: Croyez, mon  
 Pere, que voila le liure duquel j'emprunte tous  
 mes Sermons & mes escrits, & que mon ame est  
 plus illuminée aux pieds de ce Crucifix, ou ay-  
 dée à dire les Messes, qu'en toutes les estudes  
 des sciēces. Dont saint Thomas demeura bien  
 edifié, & en ayma dauantage saint Bonauentu-  
 re, encore que ce ne luy fust pas chose nouuel-  
 le, parce qu'il experimenteroit aussi en luy mes-  
 me, combien l'oraison est plus vtile, pour parue-  
 nir à la vraye sagesse, que la lecture.

Saint Thomas allant vne autrefois voir S.  
 Bonauenture, le trouua escriuant la vie du pere  
 S. François, dont il ne voulut pas le diuertir, ains  
 il s'en retourna, disant: Laissons S. travailler  
 pour vn autre Saint. Il semble que nostre Sei-  
 gneur fit reluire en vn mesme temps & lieu ces  
 deux lumieres de l'Eglise pour la defendre con-  
 tre certains esprits esgarez & infensez, qui s'esle-  
 uerent en l'Vniuersité de Paris, contre les Reli-  
 gions de S. François & saint Dominique, & es-  
 criuirent des liures à l'encontre d'elles, qui fu-  
 rent refutez par l'excellente doctrine de ces  
 sainctes Theologiens, & le saint Siege Aposto-  
 lique les condamna, & fit brusler ces libelles: De  
 façon que le Pape Sixte cinquieme parle de S.  
 Bonauenture & saint Thomas d'Aquin, com-  
 me de deux sainctes compagnons, tres-doctes per-  
 sonnages, & pilliers de l'Eglise, en ces termes:

*Ce sont deux oliuiers, & deux chandeliers ar-  
 dants en la maison de Dieu, lesquels avec l'huile de*